



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XXXVII. Kurfürst Joachim weist dem Hans Niverschreck die Verzinsung einer Schuld im Zolle zu Mittenwalde an, den 24. Januar 1505.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

XXXVII. Kurfürst Joachim weist dem Hans Nyverschreck die Verzinsung einer Schuld im Zolle zu Mittenwalde an, den 24. Januar 1505.

Vnser gnedigste vnd gnedige herren sind schuldig hannsen Nyverschreck vnd seinen Erben dreyundfunffzig schock vnd Zwentzig groschen mercklich an der ablosung des Zolls vnd Etlichs korns vff der mollen zu Mittenwalde vnd wollen Inen solch Sum mit sechs gulden Jerlich verzynten, ytzund von Conuersionis pauli vber ein Jar erst anzulihen, vnd so fur vnd fur, die weil solch Sum nicht betzalt wirt, Jerlich vff Conuersionis pauli vff irer furlichen gnaden Zoll zu mittenwalde zu entpahlen gegen ir quittirung, oder aber, wu fouill Im Zoll daselbs nicht vorhanden wer, wes Im an den Sechs gulden fehlen vnd nicht gegeben wurde, aufs irer f. g. Camer zuerfullen vnd vergnugen zulassen verschaffen. Actum Freitags nach fabianj vnd Sebastiani, anno etc. XV^o. quinto.

Ex commissione propria domini principis Electoris dominus thomas krull, secretarius subscripsit.

Nach dem Churm. Lehnscopialbuche XXXII, 98.

XXXVIII. Kurfürstliche Abgaben=Remission und Indulds=Ertheilung für einige durch Feuersbrunst heimgesuchte Bewohner von Mittenwalde, vom 27. März 1507.

Clemens koffyn, Pawl gortze, Peter Eckart, die Hentzyn, Bastian koster, Claws Dalman, Thomas Boldenik, Hanns Zymerman, Hanns frick, Claus Lubenow, Andres Juncker, Brofse schultin, Jorg golick vnd Peter Zymerman, Burger vnd Inwoner der stat Mittenwald, sind von vnserm gnedigsten vnd gnedigen Herrn von wegen der Brunst, der Orbet, Birgelt vnd aller Annder verpflichtet, so Sy Iren f. g. oder Anndern Jerlichen von sich geben sollen, vier Jar lang gegleytet, Also das Sy solichs In obgeschribner Zeit nicht zugelten noch zureichen schuldig sein sollen. Dergleichen geben Ire f. g. Inen auch dartzu, vor alle vnd yglliche Ire schuldiger vnd glaubiger, Nemlich der schult, so vor dem Brant gemacht vnd betagt sint, die obbestimbt zeit aus Irer gnaden starck, ehelich vnd vngeferlich geleit. Actum am Abent Palmarum, Anno etc. Septimo.

Relator Heinrich Roder, Hoffmeister.

Nach dem Churm. Lehnscopialbuche XXXI, 223.